

栢谷先生集

全

5563.7
8029



Carpenter

柏谷集序

人生而有情情有為喜為愠為哀為
樂此數者蓄乎心不能不洩之言之
有長短節奏是為詩詩本所以寫意
道情則期乎情愜意當而止固無所
事工三代至漢皆是始自魏晉為詩
而求工弊極於唐賈島劉得仁輩勞
精敝神求工益力不以死生窮達天

壽貴賤易其慮而移其好用此以終
其世可謂志勤而業專矣故其言曰吟
成五字句用破一生心若是而卒未有
以卓厲高蹈追臨風騷者由不能及
乎本故也然其醒吟醉哦刻意敲推
以模寫象態窮極境會必求稱叶於
皺眉撚髭之間者往往髣髴肖似而
得其情之真蓋亦有未可少者五季

以來建乎元明詩道益壞下者拘敝
尖薄高者浮華險僻馳騫愈遠求其
或近於性情罕見一二東方之詩各
隨時代效學中國其陋彌甚就其能
者亦僅三拾前人唾餘粗成語理便
已傳誦四遠聞者為驚其人亦自足
於此不復力求其工故遂亦終於此
而已文章之得其則也若是難哉今

論柏谷翁之為詩其有合於風人之
旨則吾不能以知之矣抑心慕唐之人
而聞乎劉賈之風所謂不以死生窮
達易慮移好用以終其世者方其役
精神苦心脾一字千鍊舉臂拍擬蹇
驢欵段躑躅街途雖騶導嗔喝傍人
辟易而將亦不能自覺是以於境會
象態窮極模寫者恍然髣髴乎其

真山川道路羈旅困窮之狀花月
朋酒愉悅歡適之趣披卷而莫不如
在目中使讀之者感慨吁嗟而不能
自己柏谷之詩其亦非他人之所能
及乎柏谷姓金諱得臣字子公其
先安東人也歲在丁卯仲秋潘南
朴世堂謹序

號西溪定齋朴公泰輔之叔父

栢谷集卷之一

五言絕句

六十八首

龜亭

落日下平沙宿禽投遠樹
歸人欲騎驢更怯前山雨

題朴晦叔銑便面

明日驪江去尊前動別愁
情親無老少憶爾望春州

亂後作

天地春光動羣鴻向北征
如何人異鳥三載滯

湖城

曉發

曉發青淮驛羣鷄膈膊啼行行天乃曙始覺

一作

識山高低

旅館夜吟

永夜坐不寐霜威透褐衣呼僮催韝馬月落衆
星微

雨中吟

家僮衝雨去出糶晚歸旋竈婢欲炊飯濕薪火
不燃

詠怪松

盤屈虬龍狀風霜閱百年何時一奮起霹靂上
於天

醉中吟

三春今去盡何處覓殘花着酒尊前醉不知已
暮鴉

偶吟

卧對一作看翠松色出聞流水聲儻非此兩事坐
讀南華經

題妓壁

觀妓彈琴舍題詩賣酒樓以茲歸計晚何恨異鄉留

塞下曲

玉帳秋風動轅門夜月孤軍中募壯士為捕獵歸胡

又

斧鉞青冥下元戎塞上臨用兵如射隼寇盜不勞擒

北寺疎鐘

北寺知非遠蒼蒼隔暮峯有時傾耳聽風送數

聲鐘

夜吟

早起催登路人言夜未晨曲肱雙眼合秋夢落
江濱

途中吟

驢背聳肩客看山覓句頻桃花浮出水知是武
陵春

觀燈日

快閣憑天半無端病後登亂來為客久時序又
觀燈

題村壁

老翁消渴甚喚酒隔溪村
衰世將何事安排學
漆園

又

白首南歸客停驂水北村
抱鞍成午睡夢入給
孤園

又

橋西蒼野畔蕭瑟數家村
生計休言薄嘉蔬滿
小園

客中逢九日

舊國千山隔登樓首幾擡可嗟重九日辜負菊
花盃

馬上吟北窓絕句次其韻

遠遠野中樹蒼蒼溪上山歸僧何處向寺在暝
雲間

偶吟

纖雲生杳嶂宿鷺立虛舟意在兩清賞不知登
此樓

詠畫

雲藍一幅上花綻古梅叢恰似羅浮發誰知畫

出工

又

好手畫梅萼天機獨不羣芳華雖灼灼那得暗
香聞

又

寫此數朶菊寒盡着疎枝一自陶潛去如今愛
者誰

詠畫鴈

幾作衡陽陣頻隨夢澤羣壁間工畫出清唳恍
疑聞

竹樓走筆

竹葉尊中酒梅花笛裏春
傷心關外客日夜望鄉人

次韻

離家今幾日春盡仲宣樓
最是難忘事南來嶺外遊

途中吟

亂鴉歸暮峽寒鵲立枯槎
橋上騎驢客逢人問酒家

詠白鷺

清秋雙白鷺相伴立前灘
夜夜聯拳宿滿身風
露寒

謝贈扇

誰斫江南竹裁成寶篋輕
清風生習習知是故
人情

峽中吟

更欲登前路其如日沒何
峽村無犬吠猛虎的
應多

龍湖吟示朴仲久

長遠

古木寒雲裏秋山白雨邊
暮江風浪起漁子急

迴船

讀罷偶吟

二十有六載懸燈讀古文
筆如夸父走氣欲凌
烟雲

次韻

夕照轉江沙秋聲生野樹
牧童叱犢歸衣濕前
山雨

自槐出來再從弟子卿

得相

家

剝物何人記頭邊白髮垂
家貧難辦酒空賦餞
春詩

走筆

東望天光白雲端月欲生此時愁不制况又送
春情

瀑布

扑淵瀑布水萬古殷雷聲最恐潛龍躍層水不
敢行

偶吟

江花今已發恰似笑嬌娥風雨春宵急其如落
地多

林可材贈尊以詩謝之

雖無張翰膾得此陸機尊異味誰能送西湖有故人

偶題

窓畔梧桐葉通宵雨滴多頻驚枕邊夢不得到京華

次權瓮津試韻

平生知己少江浦伴沙鷗何日歸京國携君醉酒樓

又

柳拂江橋畔烟生野店西日沉山色暝窓外欲

鷄棲

又

樹密荒村北
沙崩廢堰西
老翁多病久
碁局見蟲棲

又

向晚乘幽興
移舟極浦西
耽看斜日下
不覺水禽棲

又

欲歸江上宅
回棹石灘西
莫道花飛盡
殘紅葉底棲

走筆

鐘動依厓寺烟生隔岸村斜陽雖絕勝奈此漸
黃昏

待入

親朋期不至斜日照西林兩處抱離恨未知誰
最深

偶吟

班馬與韓柳文章日月爭
咿唔三十載鬢髮雪
千莖

次唐音韻

牛浦繫行舟
楓林露欲滴
鄉心客裏催
最是秋風夕

又

江漢東歸入
憂時淚滴滴
掛帆向月溪
却怕日西夕

中酒偶吟

吾友臨江叟
朝朝勸紫霞
何時歸峽裏
且復業桑麻

絕句

暝雲添別恨
春草喚羈愁
前浦狂風起
波濤蹴

釣舟

曉吟

衰翁遷次數墨埃幾時黔獨自叅禪坐秋宵月
滿簾

贈別朴仲久

那無曩時別此別最關心甚矣吾衰老難期雪
棹尋

曉起

倦客眠初起蓬窓曙色生舉頭瞻故國更倍別
離情

題蓬窓

扁舟向月峽詩思雨中生
鷗鳥驚飛去應寒舊
日盟

走筆

京城殘臘盡客子向忠州
何處新詩得前程有
驛樓

題畫屏

數株山下柳密密復低低
圓笠長簑叟捕魚小
碕西

又

簇簇青山矗陰陰碧樹深得無雲日暝入斷小溪潯

又

數人繫野艇同上翠厓層看瀑歸仍晚全忘久植藤

又

江頭木已脫天際鴈初賓縱有烏檣簇虛舟不見人

憶黃道原

駿

一從江漢別月色再盈虧逢着何由得相思鬢

欲綵

向頭陀寺馬上有得

行行路不盡萬水更千峯忽覺招提近林端有
暮鐘

讀罷走筆

廿載匡山讀頭顱已白毛文章更何用忽覺半
生勞

走筆

江上秋光晚賓鴻叫碧空偶傾一斗酒散髮北
窓風

又

平郊秋草密孤店夕烟迷歸客催行色呼舟古
渡西

即事

白鷺睡江沙蒼烟盤野樹朝來釣魚翁簑笠孤
舟雨

栢谷集卷之一

栢谷集卷之二

七言絕句 一百三十六首

平陵驛

漢陽歸客歇征騶，獨倚平陵古驛樓。
漁子擎舟衝雨去，白鷗驚起海棠洲。

寄權士直

伉

憶着親朋抱別愁，蕭蕭潘鬢鏡中秋。
今年又失南歸計，夢入鄉山舊酒樓。

寄洪元九

錫箕

春盡離懷鬱未舒，詩樓每憶接歡初。
陳琳倚馬

公能繼肯數西崑獺祭魚

丙子避亂初作

獨我飄零天一陬
兵戈阻絕抱牢愁
兩張崔朴
今安否儻得相逢恨即休

寄朴仲久

酒醒離抱劇忽

一作

悽悽况聽春山謝豹啼魂夢

亦知為客處夜深

一作

還到竹林西

訪友人

騎驢來訪故人樓
碧樹陰濃黃鳥啼
病客春愁
今快寫鬱金香滿玉東西

走筆贈安陰太守

東樓日日飲流霞
醉興陶然眼有花
弄瑟嬌娥歌妙曲
令人忘却在天涯

登超然臺

嘉陵江上有高臺
駐馬登臨眼忽開
何事忽忽還下去
春州復醉一作把使君盃

贈趙秀才顯錫

庚子秋

南郭殘生鬢皤然
人間無術學神仙
今逢王雪郎君語
忘却荷翁久隔年

荷翁即趙嚴君

次鄭東溟斗卿韻

漁家住 在滄溟岸 多少兒童 能刺船 齊唱棹謳
何處向 黑波山 立惡風前

塞下曲

漢將移軍右北平 塞天風角夜鴻驚 忽催輕騎
追驕虜 月黑祈連有伏兵

又

征客思鄉遼海濱 月中羌笛幾沾巾 明朝又赴
交河北 馬革應包戰死身

宮怨

鎖斷長門閱幾春 匣中鸞鏡暗芳塵 生憎夜夜

青天月偏照高樓不寐人

又

蘭燈的的鬱金堂月露團團白玉床昨夜分明
成好夢上陽宮裏侍君王

又

失寵含愁幾斷腸宮花已落歇芬芳一身願化
千羣燕飛入昭陽繞畫樑

偶吟

六載流離谷口棲有時歸夢漢津西梅花細雨
梨花月每與隣僧醉似泥

仲秋寄成生負汝相

天時萼萼已清秋水落諸溪積雨收安得與君
乘興去更登關外竹西樓

客中吟

冒雨黃昏投野店老翁暴怒語傖獍鞭羸更渡
前溪去門掩田頭犬吠聲

又

酒村漁店柳如絲三月春光欲暮時何事羈人
眠不得子規聲在落花枝

見朴正言書偶吟

臨江苦憶鬢毛皚，遠信初逢雙鯉來。
湖外草堂門晝閉，一庭微雨墜殘梅。

臨江仲久別號

偶吟

花落青山杜宇啼，此時徙倚石闌西。
峽中岑寂無人到，麋鹿公然晝下溪。

次青螺山人韻

東望親朋今幾日，廣陵烟樹遠依依。
此身羈縻無由脫，羨殺天邊去翼飛。

在肅寧殿入直

別清牧沈文伯

梔

天寒醉別仲宣樓，畫角聲中倍客愁。
大麓西原

相憶處的應魂夢共悠悠

漢江

漲溢春潮亘遠洲，篙師力弱不操舟。
文章安得名垂後，似汝長江萬古流。

贈友人

得得歸人下故關，蘆纖春雨濕青山。
不知爛熳濃花色，何似西施醉後顏。

白馬江

遊人偏倚曲欄西，潮落寒沙日欲低。
江鳥似知亡國恨，飛來飛去百般啼。

梅鶴亭古基

疲驂朝策次江沱
雨後羣鸞聳翠螺
當日豪華無處覓
鳥聲松籟替笙歌

贈洪元九

吾友南陽大姓洪
隋珠趙璧藏胸中
時時吐出光如月
百鬼皆驚走避同

渡漢江

扁舟繫纜下沙汀
政是江風酒欲醒
屈指前程今幾許
迢迢二十七長亭

寄友人

柳暗春塘露壓花獨憑亭角醉流霞誰言日月
催人老苦憶親朋鬢易華

次白馬懷古韻送人

巖花落盡馬江流無復澄波蘸盡樓故國繁華
今似夢夕陽唯照一漁舟

無題

一別纖娥幾變真令人苦憶鬢星星盤龍鏡裏
雙眉畫何似春山雨後青

走筆

郭裏秋殘木葉稀此時岑寂掩柴扉枕邊暫結

江南夢烟雨蕭蕭舊釣磯

又

西湖一別恨依依歲晚羈魂每夜歸想得當時
垂釣處白鷗洲上長苔衣

存沒

崔君旅泊誤佳期張子雖亡尚有詩泉下交遊
今已矣世間徵逐亦何時

清心樓

飛樓縹緲坐三更月入滄江江水明直欲揚舲
乘興去濟王城北即王京

松都

文物蕭條年代深
故都遺跡客來尋
荒墟何處黃真宅
應有詩魂月下吟

馬上吟

九月行人向漢陽
凌晨驅馬怯寒霜
入城縱欲成歡譁
隰老春州曼叟亡

偶題

鄉園一別意悽然
極望南雲眼欲穿
春雨霏微連二日
小桃開盡曲欄邊

因權生行寄許子悠

悵望中原眼幾穿
玉人遙憶雪盈顚
清秋遊衍今難續
獺水琴臺夢每牽

寄贈

情朋久別恨依依
南國秋冬夢屢飛
莫惜西湖音信寄
春來應有暖鴻歸

過錦江憶車五山

天輅文章名也

朝來卸馬立沙邊
屈指山翁仙
去年謝朓澄江
崔顥樹謾供行客詠詩篇

題村壁

溶溶流水環蒼野
矗矗羣峯帶素霞
客子欲貪

前路去不知鴉背夕陽斜

題古文抄冊

杜門端坐萬番讀漢宋唐秦以上文最嗜伯夷
奇恠體飄飄逸氣欲凌雲

題伯夷傳

奇哉馬史伯夷傳厓老山翁讀萬番吾亦讀之
充億數胷中疑翳豈伊存

題畫扇

墨瀋淋漓費意匠何人掃却古梅叢狂風不敢
吹花落絕勝東君造化工

送人之扶餘

送君湖右路悠悠應上臯蘭古寺樓惆悵昔年
亡國地塞鴻江樹為誰秋

贈妓羅生

羅生姜栢
年所丐妓

羅姬今自何州至淚濕嬌腮粉黛殘夜夜紗窓
欹枕處雪峯

姜栢
年號

晴色夢中看

一作
寒

走筆

老子西來辦久留或登峯頂或乘舟漢京歸去
何由得羨彼長江直北流

謾吟

為人性癖最耽詩詩到吟時下字疑終至不疑
方快意一生辛苦有誰知

逢僧偶吟

西庵釋子款柴扉春靄濛濛濕衲衣相對草堂
談笑久不知煙樹帶斜暉

逢故鄉僧

江南一別每依依忽遇隣僧說未歸辜負秋來
漁釣計的應煙艇已生衣

贈歌姬

仙娥今日自何方窈窕雙眉八字長歛笑凝眸

歌一曲纖塵颯颯散虹探

壬午戲吟

百鬼於吾戲劇多非關時命獨蹉跎韓文馬史
千回讀僅捷今年進士科

漢江

江上人人捕魚去村童竚立候柴扉無端極浦
多風浪日暮孤舟歸未歸

泊舟楮子島

遠客維舟江樹根鐘鳴古寺日初昏回頭忽看
烟生處知是廣陵城外村

示仲久

月淵巖畔水流長合作前溪走晉陽搜勝龍遊
俱不見明朝還向木州庄

搜勝臺龍遊潭奇絕處也

端陽

節屬蕤賓滯異鄉蒲醪醉着卧公堂姝姬處處
秋千競恰似當年在漢陽

走筆

雲際遙岑下夕暉妓家民舍掩柴扉客遊一月
如三月千里歸心快鵲飛

仲久謫去後到其家見菊因詠

故人淪謫嶠南州
只有黃花開晚秋
今日寒香
吾獨嗅
那堪更起別時愁

次報恩寺僧法心詩軸韻

江上羣山翠作堆
朝朝東望首空回
吾師莫恠
追遊懶三十年前數往來

想南山瀑布

連雲蒼壁瀑泉肥
縱欲山行脚力微
想得晴雷
喧一壑揚珠噴玉洒蒼衣

偶吟

風塵天地幾聊浪
晚歲歸休水石鄉
曲檻東頭

驚曉夢巖花落盡月蒼蒼

走筆

匣裏神鋒虎氣生
煌煌兩脊碧花明
有時看着雄心激
直向滄溟欲斬鯨

送人

去年東去孤舟客
又作今春江漢行
二十灘頭明月夜
別愁應倍子規聲

題尹汝秀

挺筆

便面

雪晴官樹北風喧
政是崦嵫日欲昏
白首重逢情款曲
兩家交誼至今存

馬上次李子文

重明

韻

曉起山齋燈火明
頻呼僮僕急催行
與君並馬登長路
恰似初秋共北征

偶吟

行役人間苦未休
長程南北百年愁
秋江落日波濤起
津吏回船不自由

送人

尊前今日別愁牽
為問西征路幾千
浮世百年長送客
此生何處不潸然

頭陀寺

和名集卷之二
十一
為訪頭陀古寺來耽看泉石不知迴層厓鶴去
已多歲唯有碧桃花自開

鏡湖堂次懸板韻

湖上來敲白板扉海棠花影寫人衣
擗聲鴉軋驚鷗散知是漁郎日暮歸

又

東遊千里訪仙扉湖霧沙雲濕客衣
始信夕陽無限好畫樓偏倚不知歸

贈黃礪朴秀才

偶攜仙侶共憑欄夏簟風生六月寒
杳杳鄉關

回首望亂峯蒼翠白雲端

又

仙侶吹簫洞裏天數聲飛落彩雲邊
涼宵盡閣開簾箔風露淒淒入酒筵

凌波臺

扶藜今日陟仙臺
恠石猶存太古苔
海上青山無數立
不知何處覓蓬萊

餘糧驛

黥雲堆裏波濤走
劇雨垂時霹靂聲
客子呼僮催曉發
主人來告虎縱橫

題扇

客至江頭叩竹扉
古城烟樹帶斜暉
羣鷗似識笙歌響
泛泛窓前故不飛

次韻

留飲尊前夜已闌
畫屏圍處燭花殘
嚴霜浙浙飛如雪
却怕琴娥玉指寒

次天安蓮亭板上韻

官樹如烟暝色生
村村燈火隔籬明
潺湲日夜東流水
何似離筵不盡情

龜亭聞笛

斷橋平楚夕陽低
政是前山宿鳥棲
隔水何人三弄笛
梅花落盡古城西

題壺

天時三月之終旬
霖雨長安滯旅人
莫道韶光今已盡
壺中別有洞庭春

贈金汝九

夏鼎

聞君明日向龍串
知是清秋逸興催
莫道分留物色少
衰翁未踏集仙臺

壬寅三月二十三日登筴謝 恩時偶吟

延英門外飲仙醪
醉裏陶陶逸興豪
四十年来

憔悴者那知今日 聖恩遭

甲辰至月十九夜夢金剛

燠室氍毹獨卧眠 王蟲金粟小窓前
殘宵夢落仙山頂 萬壑飛泉似去年

走筆

力疾登臨江上臺 深愁都付掌中盃
芳辰已晚野花落 紫燕黃鸝來不來

又

三月東風陟釣臺 香蛆雪蟻滿春盃
今年始覺機心息 無數沙鷗向我來

偶吟贈人

衛玠清談謝朓詩
今宵并聽豈前期
明朝沙峴西歸路
露濕山花萬萬枝

偶題

西湖春盡落花飛
紅雨隨風打竹扉
頭白老翁眠正熟
不知山口下斜暉

走筆

今宵倚杖背孤城
忽聽青山蜀魄聲
強就池南愁獨立
落花枝上月三更

贈五臺山僧

老釋波波不暫閑頭如白鶴走人間五臺山上
千年桂何日東歸手更攀

渡江

江口斜陽獨上舟萋萋春草惹新愁做何黑業
生今世營食東南不暫休

贈明娥

窈窕仙娥昨夜逢鐫前共作語從容青燈欲盡
還相別如隔蓬山一萬重

送人湖南

今朝相別恨依依何日歸來款竹扉為報江南

觀察使栢翁已息漢陰機

又

故人南去我無依
歲暮西湖獨掩扉
唯有沙邊鷗鷺在
殘生永擬共忘機

漢江

漢江江口倚烏樯
入眼南山帶夕陽
縱道隰翁留鵲嶺
今宵應對汝南黃

贈松都留守朴久堂

相思幾月鬢毛皚
今夜尊前共把盃
休說古都無物色
敗荷喬木亦詩材

次喜雨堂韻

雪舟相訪縱云遲畢竟能成此段奇
剪燭傳盃談笑處不知星落月沉時

又

故國遊人苦憶家蕭蕭鬢髮已成華
重門晝掩昏昏醉不怕陰雲釀六花

燈下走筆

客松都與留守
并公同宿作

空庭吏散掩重門急雪紛紛下小園
此夜燈前歌枕宿天磨飛瀑夢中喧

寄仲父

西都久客醉昏昏袖上襟前污酒痕縱喜今朝
尋去路回頭悵望古城門

偶題

兩地迢迢恨別離相逢共歎髩毛衰開尊剪燭
連襟話月落星沉揔不知

贈松都老妓錦生

爾獨松京久擅名瑤琴妙曲使人驚如今縱道
花容老指法猶存舊日聲

未赴洪州偶吟

甲辰秋

我不尤人不怨天都將得失付忘筌西湖飽喫

木名集卷之二
十六
鱸魚膾何必銅章佩暮年

偶吟示李泰來

秋宵夢着峽江湄紅蓼青蘋驚宿時千里此身
歸不得奚囊益富記行詩

偶吟

客裏思鄉日益增明朝定欲曳枯藤窓前僵卧
成牢睡夢落香山第一層

次太守韻

郭外平郊信馬過亭亭落日下煙莎羣童拍手
巷南北倒着接羅歌醉歌

寄扶餘太守乞酒

孤舟繫纜馬江濱
樹樹花殘草又新
故國羈愁消不得
乞君無限洞庭春

贈權進士相仁

臯蘭寺下水西流
昔日君王泛彩舟
伯業繁華何處去
廢城唯見暮雲愁

贈別

繫纜沙邊別故遲
相攜共結後佳期
應知旅館青燈夜
悄悄孤懷怯子規

題扇

有人喪妾
故作此詩

仙妾孤魂若箇邊
火殘金鴨歛香煙
行雲不入陽臺夢
應趁新春化杜鵑

龜潭

彩雲臺下泊扁舟
琪樹瓊花似十洲
莫道吾生全命薄
百年今日辦奇遊

詠盆菊

老子稽留峽水湄
自憐頭髮白如絲
瓦盆未綻黃金菊
無奈重陽節候遲

寄延豐太守郭世翼

離君峽裏恨依依
獨倚江頭白板扉
悵望仙山

歸未得幾時重見瀑泉飛

讀罷偶吟

身世伶仃何處依
每嘆江上故人稀
朝來籬竇獨兒吠
最喜隣僧扣板扉

寄贈梁山太守李德培

雲根

一束雲藍雪樣光
親朋為贈助文房
從今可寄相思札
方待秋鴻向瘴鄉

謝朴四宰贈沙盃

久別臨翁歲月催
頭邊衰髮白皚皚
玲瓏此器欣然得
何羨香山鏡換盃

次韻

前郊芳草綠萋萋
小雨初晴江水西
獨掩柴扉僧去後
日斜桑梓勃鳩啼

送子文

花謝青山又落暉
樽前難制恨依依
明朝蕭寺君如到我
亦徐行叩石扉

偶吟

燕點鶯嬌蛺蝶飛
山河政是轉晴暉
今逢野客看碁局
不覺隣僧叩板扉

次韻

開香山下白雲隈
破屋蕭條客不來
穡麥田間通小徑
牧童驅犢雨中迴

又

棲鴉歸盡漸黃昏
微雨霏霏下峽門
行客欲尋投宿處
小童西指隴頭村

偶吟

無人徑路長苔衣
每掩江頭白板扉
羣燕似知春色暮
西林爭攬落花飛

贈人

老登科第作漁郎
兩目花昏兩鬢霜
日晚偶然

東坡全集卷之二
乘好興急穿芒屨向陂塘

又

春殘谷口獨徘徊萬斛新愁未可裁何事黃鸝
今不到梨花落盡野棠開

次韻

翰林句裏誇天姥工部詩中說開州我亦獨專
槐峽勝澄江翠壁繞高樓

訪林友

伶仃江路日生時吟嚙全忘馬去遲儻或不逢
林處士何妨伴鶴嗅梅枝

到清風憶睦弟達夫

可惜沙翁今不存
追思同醉此君軒
當時勝事成陳跡
我獨傷心更斷魂

寄李同知宗海

數月相思雪蓋頭
何時更上水西樓
真書一部將安用
花發知春葉落秋

請真書故云

過歌姬所居村

倦客停驂此水濱
望中村樹帶斜曛
纖娥已沒歌聲絕
無復青天過白雲

次韻

西望蒼然山外山夕陽漸下亂峯間行人各自
投江店處處秋林鳥亦還

題安保温泉館壁

鷓鴣久失一枝棲心旆搖搖漢水西此夜何為
眠不得峽天明月子規啼

贈妓

十載西湖隔一樽今春逢着慰離魂
香娥病莫道人間好事存

題僧壁

清心菴裏久留連落盡江花月又弦
頭髮今春

因病白法朋休說已衰年

登樓

客子登臨快閣寒飛甍迥出浦雲端蒼波無際
長天濶去鳥應愁兩翼酸

贈處林上人

爾歸湖外我城中籠鳥浮雲自不同安得秋風
蒲席掛扁舟直上潁江東

次韻

短律長篇日日哦文章安敢較陰何旅遊贏得
頭成雪只為春來送別多

思歸

珂馬驅馳九陌塵，衰年宦味益酸辛。
蒲帆未掛秋風去，無乃沙鷗送罵頻。

登後雲亭示洪元九

君自江南返舊樓，形容憔悴雪蒙頭。
奚囊應蓄詩千首，法浦烟霞太守收。

又

偶然乘興入山來，處處芳華爛熳開。
元亮已辭彭澤否，門前五柳碧於苔。

題僧壁

逢春抱病身仍卧對酒無悰齒已衰山客不知
才力退朝朝強來請新詩

題山木

悠揚清夢歸鄉社落拓孤懷付酒卮送了一春
成底事驛樓山木揔題詩

栢谷集卷之二

栢谷集卷之三

五言律詩

一百四十四首

寄朴仲久

塵世浮生老空嗟歲月奔野烟封樹色江石帶
潮痕排悶唯詩句寬心亦酒樽近來京洛滯歸
夢落鄉園

登公州獨樂亭

危亭臨絕岸來倚興悠悠風怒江喧夕霜嚴木
落秋家鄉何處是宇宙此生浮儻遂移居計心
期托白鷗

寄忠清公使叔素

病後孤懷鬱未登，此小樓夕帆和鴈沒。
春水與天浮，韜跡時曾失還鄉計。
又道窮愁何可寫，直欲醉壚頭。

山寺

何地藏蹤跡，長嗟世路艱。
旅愁添夜雨，鄉夢着春山。
索句心常苦，憂時鬢欲斑。
前溪斜日下，林外鳥飛還。

寄朴仲久

悄悄憑亭角，沉沉吟對落暉天。
低山隱約野潤樹，

依微歲換身仍老時危計亦違故關何處是歸
夢積漁磯

次朴仲久韻

塞外兵戈滿艱危抵十秋家貧多酒債身病倍
鄉愁潮蹴寒江岸雲沉古驛樓殘生勲業晚寧
欲伴沙鷗

其二

歲暮移家客咨嗟計又非閑人傷直性行世觸
危機江黑風驅雨霜嚴葉墜扉偶然成小睡鄉
夢着漁磯

其三

悄悄苦無興，搢願憇竹床。
蟲絲縈缺柵，雲影寫回塘。
白酒禁愁得，黃花滿意香。
欲歸湖外宅，聊自檢裝囊。

青川峽

峽俗頗淳朴，居民見我迎。
水村春雪凍，厓寺暮鍾清。
戀主他鄉淚，思家久客情。
何年減豺虎，回首望西京。

聖巖寺

石路穿雲細，行尋興漸加。
斷厓容佛舍，緣渚着

漁家深樹棲羣鳥高林宿斷霞孰知西去夢夜
夜入京華

其二

倦客尋厓口居僧出寺迎棲禽投樹競暮磬徹
雲清湖海傷時淚風塵恨別情木州猶悵望何
況漢陽京

梅鶴亭古基

名亭廢已久到此輒悲傷人去鶴何在春回梅
獨香霧開流水白雨罷遠山蒼僮僕催騎馬斜
陽挂渚檣

自嶺外還時作

欲雨還休雨停行且發行
水烟籠古驛山日挂層城
夢每通京國朋多阻賊兵
不知身所托何處保殘生

此夜

此夜憑亭角東峯月欲登
排愁詩可作引興酒須徵
野火燒林盡溪雲擁樹層
如何耿不寐憂國淚垂膺

亂後逢仲久

誰知此會有偶爾各偷生
舊面看仍喜新詩聽

更驚晝常聞野哭夢亦避胡兵張仲幽明隔那
堪獨愴情

漢江

霽月當清夜無眠憇小樓水村依缺岸沙鷺宿
虛舟公幹常多病張衡獨抱愁故園歸計晚方
覺了三秋

銀石寺憶季遇

社稷艱危際徒然涕泗流日沉吳峴首花暖蜀
嘉州縱是耽春酒那能緩客愁京華有知己北
望獨憑樓

行役

行役年年苦驅馳湖海西逐名身已誤料事意
都迷暝色啼鴉樹寒聲受月溪忽思知己子回
首遠天倪

贈申大吾洪元九

遠客投孤館前溪日脚斜排愁江市酒破睡岳
僧茶簾有呼羣燕林多哺子鴉逢場歡譁處忘
却鬢毛華

憶崔國輔

海內平生友堂堂八尺身蘇君雖大困陳子豈

長貧湖外梅經臘江南雪盡春何當成會面說
着各酸辛

成歡驛別朴仲久

高閣憑天半登臨思不窮池蛙鳴閣閣驛鼓響
通通雲態催朝雨荷香得午風異鄉今作別飲
啄幾時同

送仲久之西京

東將入海去亂代避兵戈歧路分離數衣裳涕
淚多暮鴻投遠樹春雪凍寒柯明日相思苦那
堪鬢髮皤

寄題權士直四松菴

騷翁流拚處立屋四松邊
偃蓋當明月長枝入
翠烟據床風透袖開牖
露侵筵默想閑中趣
令人逸興牽

又

三四長松樹亭亭倚石壇
龍鱗雷雨黑鶴翅雪
霜寒密葉本蒼翠老根仍
屈盤詩翁偏愛惜移
宅為耽看

次仲久韻

故關去已遠淹泊此南州
雨滴千竿竹雲通百

尺樓旅人元酒病地主亦詩流仙嶠多形勝端
宜着屐搜

次退溪先生韻

諱混諺辭四書三經

今朝霖雨霽風景十分佳水漲橋頭沒沙崩石
角埋逋詩目得病呼酒為開懷欲望鄉關遠時
登百丈崖

次仲久韻

踰嶺已經月魂隨赤水舟地形環德裕天勢壓
頭流野日炎當夏池風爽似秋旅遊吾豈恨太
史亦南留

又

民舍依林麓，疎籬亂插柴。
峽雲通竹牖，山雨落苔階。
下藥頻求酒，尋花屢破鞋。
歸程聊默筭，官樹夕禽喈。

道中寄仲父

踰嶺尋窮峽，村村白板扉。
樹梢頻刺眼，厓角或鈎衣。
日沒行人少，天長去翼微。
何時還故土，垂釣坐苔磯。

安陰道中

峽中泉石好，觸處可淹留。
樹密禽聲集，花殘蝶

舞休幾探山路險初得野亭幽明日安陰縣應
成爛熳遊

次安陰使君朴仲久見寄韻

安陰賢太守乖隔恨如何魂夢千山越音書一
月多階除唯鹿迹時節又鶯歌縛束謀生事難
期再遠過

又

縱欲尋花去三春奈病何雨垂新圃密鷺入廢
池多湖外悠悠興樽前浩浩歌論懷誰與共時
有岳僧過

又

僑居催歲月其奈鬢衰何
草色空庭遍蟲絲缺
柵多湖山當醉眼
天地入狂歌
欹枕春眠穩
京關夢裏過

題僧壁

忽憶維摩詰來尋古竹房
蝸涎盤壞壁蠹粉墜
珊瑚澗柳風飄絮
巖花雨漬香
無端吟興動
抽筆寫詩章

詠懷

茅齋當谷口門壓小溪涯
月白杜鵑夜花紅寒

食時厓高懸疊石松老偃枯枝採藥誰相伴頻
尋衲子期

又

幽居占地僻茅屋水西涯古峽烏棲夕春郊鹿
下時輕風吹柳絮細雨濕花枝農事東畱惡遊
秦莫可期

石剎

偶爾投隣寺悠悠逸興牽厓崩僵老木石亂聒
奔泉覓酒春多醉耽詩夜不眠林僧逢着話知
有宿因緣

公山途中

借驛
駿馬

客子他鄉適今乘月窟駒前山看約畧險道歷
斯須日脚橫平陸春光動碧湖風塵迷宇宙慷
慨獨長吁

發春州

早發春川府南奔類轉蓬石形疑奮怒岳勢見
穹崇大水長橋折層厓細路通片時驢背夢忽
到木州東

題僧壁

宇宙猖狂客三春滯梵宮山花香醇醇溪柳葉

蓬蓬我髮綠愁白君顏得酒紅
抽毫題壁上詩句愧非工

清平寺

卸馬臨池水携筇步石缸
穹碑苔蝕字虛殿月通窓
豪興回詩動牢愁得酒降
明朝隨太守鼓枻渡滄江

安保驛店次仲久韻

駐馬春州路斜暉照遠林
離盃頻到手別淚數沾襟
落葉荒山木寒聲古驛砧
客中衰謝甚霜雪已盈簪

九月

九月二十九東向春州時橋斷馬行止水深入
渡遲峰高天亦近壁仄路仍危入夜投孤店獨
兒吠棘籬

題僧壁

倦客投蓮界留連此小軒飛泉濺壁面崩石挂
松根志已耽禪寂身今避世喧曲肱仍睡熟斜
日下山門

又

行尋蘿逕險憇息得層軒水漲沙沉甯崖崩木

露根羈人愁未制道釋語無喧簾外山光暝棲
鴉入洞門

驪江贈友人

風塵五載客大困有誰憐會合當今日遨遊憶
舊年火燈一作明驪酒舍入語捕魚船迷作雖全

廢登樓強綴篇

集虛堂六景

銀寺
曉鐘

曉起倚西牖寒聲蕭寺鐘初傳山郭近更徹峽
雲重宿鶴翻蒼壁驚鴉散碧峯令人思老釋直
欲往相從

送崔國輔

此別傷心極相携淚濕衣柳搖回淑氣水解減
寒威嘆我身金老憐君計又非天涯一書札須
寄暖鴻歸

題僧壁

寒宵山閣裏默默坐楮願北牖風喧夕西岑月
沒時酒知添舊病梅喜助新詩世事常翻覆元
來似奕碁

漢江偶吟

我今到漢上獨倚此高樓風起輕帆疾天長去

鳥愁年光如瞥眼世事入搔頭
王室艱危極
那堪涕泗流

示友人

窮鄉流捨客只爾送年華
薄酒元非蜀高歌豈
雜巴竹邊殘雪在樓外
暮江斜今夜應談笑連
床剪燭花

古詩云蜀
酒濃無敵

與西原使君遊壽樂亭

昨日來州府今成爛熳遊
雖云溪路險最喜野
亭幽松籟喧蒼壁山光蘸
碧流可憐前度客霜
雪已盈頭

次韻

賤子誰推轂將辭城市間鏡中新白髮夢裏舊
青山在世難除妄謀生不博閑苔庭空獨立春
日轉柴關

醉吟

飛光如酒瀉

東坡曰流年似酒那禁瀉

白髮已鬢鬢水色青

羅熨山形碧玉錯杜陵松對四

杜詩曰入門四松在

彭澤

逕開三舊好令人憶朝朝詠採藍

次君平韻贈永同朴使君

二月今將盡芳花發處稀霜華添老鬢風力捲

春衣小縣烟霞暮深林鳥雀歸一辭京國久唯
有夢魂飛

贈柳統制

將軍軒勇氣膽似子龍豪節制兼三道施為運
六韜復思分閫重莫憚練兵勞最荷檀公惠偏
憐栗里陶

廢寺

重來寺已廢今我感懷深荒徑逢遊鹿空厨聽
啄禽殘碑生碧蘚古佛剝黃金倚柱孤吟久崦
嵫日欲沉

下山

清晨遊子發峽隘路艱難
拔地層厓立衝霄疊嶂攢
雲深衣自濕霜落手先寒
行役此時苦豈能懷抱寬

題僧壁

禪房棲息客歲晚怯衣單
懸瀑天紳褫尖峯石劒攢
自傷蘇子困誰恤范生寒
鄉社無由到空嘆乏羽翰

偶吟題江村壁上

歸驂今又發路入斷崖斜
碧蘚斑秋石輕濤蹴

晚沙勃雲生洞壑細雨濕桑麻何日尋僧去從
容問法華

示張季遇

張公稍解禪學故結句及之

江上高樓在登臨百慮蠲烟生春樹外鳥度暮
山前舉酒愁仍破耽詩病已痊倘非君訪我誰
與共論禪

登洪州烏棲山下百花亭

停驂登畫閣斗覺思飄然雨細寒沙觜雲生翠
竹邊吟詩秋興逸把酒客愁蠲何日清遊再唯
應夢寐牽

杜名集卷之三
十三
次韻贈洪元九

病後乘閑日來尋古郭幽聽詩仍釋悶把酒且
排愁去鴈孤城夕吟蛩八月秋君今歸計晚清
夢積鄉樓

送李一之赴任所

關外分符遠相逢未易期年飢秋獲少稅重郡
氓疲天地瘡痍日兵戈格鬪時誰知憂國意
無此別離悲

登南嶽

攜筇登翠巘豪興動芳辰雨霽平蕪夕雲蒸大

澤春乾坤身若粒歲月譬如銀南望鄉關極令
人欲損神

到大灘憶李大有

大有自號癡仙其詩有石出秋濤滅帆遲暮峽

長之句

昨日乘舟發黃驪望杳然衆禽投水店羣鷺宿
蘆田樹似歸僧待雲如過客延秋濤暮峽句朗
詠憶癡仙

結州

天地哀歌客難逢知己人尋詩題壁數釋悶引
杯頻落木孤城夕頑雲大海濱風塵長役役何

處即通津

次許春長韻

時在奉恩寺

留連厓口寺三日出城人峽月初圓夜江梅欲
放春弊衣今露絮雄劍久蒙塵許子頻投句文
章老更神

送木州太守

直諫元其職孤忠豈為身分符 恩似海戀

闕鬢如銀征鴈離亭夕寒梅古驛春他年宣室

召此去莫傷神

以直諫見忤出宰

李一之江亭次韻

登臨高閣上夕鳥噪西林中酒仍排悶論文且
豁襟雨聲喧浦口帆影落江心此日城隅別令
人起歎音

客中所得

京國去已遠雲鬢正香茫恹禽啼似語戲蝶舞
成行花入三春暮江通萬里長愁懷何以遣只
爾詠詩章

丹陽

值雨丹陽峽令人辦久留挑燈燈的的問路路
悠悠角罷城門閉林昏野雀投此江通漢水忽

起故園愁

頭陀寺

卸馬頭陀寺
羈懷得整開
巖花紅似錦
溪柳綠如苔
峭壁嵐光濕
攢峯鳥道回
懸知竒勝處
夜夜夢魂來

又

洞天雷雨黑
留滯輒多愁
鶴去千年樹
人登百尺樓
棧懸通路細
石亂聒泉流
整結還家夢
烟湖弄釣舟

酒席走筆贈人

茲遊真分外醉看妓堂春柳暗官橋畔烟沉野
水濱君為逃世客我作避兵人惆悵明朝別那
堪鬢似銀

題江陵安仁驛壁

水驛停燈夜那堪苦憶親計違多慷慨興盡劇
悲辛久作殊方客難為故國人亂來行役數却
歎有吾身

登關嶺

半生成底事卒卒路岐中人語殊方別花光故
國同海連

一作通

天盡處

一作外

日出地窮東述作

何能富新詩不滿筒

珍富途中

攢巒圍萬疊何處即歸程
綠草他鄉色黃鸝舊國聲
才名慙賈誼身世似潘生
得失雖由命中心自不平

又

陝州回望遠消息奈無因
今作天涯客曾為漢北人
嶺雲遮落日山鳥啼殘春
惆悵身奚適乘槎欲問津

偶題

黃昏投古郡打鼓閉城門客久元懷土途窮敢
賴恩魚腥沙際市蜃氣海邊村不見知音子離
情孰共論

登樓偶題

天涯漂轉客心事孰同論鳥道通山頂風濤鑿
石根殊音喧野市恠氣暗漁村京洛何時到回
頭欲斷魂

贈蔡察訪

俱是天涯客君先向故鄉驛亭秋葉赤官路暮
雲黃方覺離愁苦應知別夢長干戈今又動何

處更連床

贈成生負汝相

半生成底事落拓最多悲
土俗留仍慣人情老
漸知小江冬霧塞大野
暝雲垂別後東南隔重
逢未易期

又

旅泊他鄉久孤懷只自憐
島中知有戶海外恐
無天古郡鳴寒角荒村起暮烟
芳醪難得醉其
奈乏青錢

又

避兵投嶺外捨此更何之
島戶腥魚臭山家葺
木皮髮多吟裏換藥每病中思
吾子逢還別那
能卜後期

馬上偶吟

祇役東南客酸寒已飽更
葉凋山脚瘦潦縮石
稜生朽棧人愁過危橋
馬怯行隔林村舍近風
送暮砧聲

別仲久偶吟

江漢孤舟別東來望眼昏
幾時還握手今日獨
消魂雨罷平郊濶雲開
衆岳尊醉憑層檻聽林

秋夕禽喧

過玉華臺

鞭羸探勝槩路入玉華臺山色如新畫江聲若
疾雷溪翁冲老去道谷栢洲來舊跡憑誰問遺
墟但草萊

次洪元九韻

故人誰愛我唯獨晚洲翁病愈神仍旺詩狂語
不工寒江秋有月窮峽夜多風明日分離後魂
尋上黨東

附元韻

誰訪丹溪老
今逢栢谷翁
酒供三日飲
詩得十年工
葉落疑秋雨
江喧認夜風
相分便相憶
上黨嶺西東

送柳統制

堂堂柳統制
今代最英豪
手握星辰劍
胸藏虎豹韜
南溟威令振
北極憂魂勞
想得蛟龍筆
題詩埒謝陶

送再從弟之會稽

仙臺天半屹
曾上拭昏眵
衆木霜淒早
平沙鴈落遲
水村呼義酒
山石寫新詩
追憶歡遊事
蒼

端下夕曦

夜坐偶吟

京關幾千里歸計入支頤地氣陽生後燈花夜
落時有愁頻喚酒乘興亦題詩明日將何事邀
朋共着碁

寄崔可晦

煥

人間多歲月霜雪鬢邊侵寄世如秦贅思家有
越吟蒼烟生野外白雨霽江潯忽醉村翁酒悠
悠興不禁

送錦山守嚴重叔

鼎者

使君辭我去十月發京城顏面三年別光輝五
馬榮政聲驚列郡惠化洽疲氓辜負河橋送那
堪病客情

挽平雲君

王孫能拔萃衰俗仰清標高義頻垂問微蹤每
見招廐中金腰裏閨裏董嬌嬈樛夢驚何遽承
家有鳳毛

次權正郎韻

旅遊京國久方覺宦情闌清夜詩魂醒隆冬病
骨寒愁添三缺月老憶八還丹忽聽喧松籟琴

絃祝若彈

又

獨坐官齋久今宵月色闌
錦囊詩草滿塵匣劍
銍寒夢着東南路心存內外丹
高山流水曲欲向故人彈

送江陵府使李東溟

曾到江陵府登臨鏡浦臺
海濤噴似雪湖色碧
如苔相國谿清文揭仙郎楊浦
傑句裁君行應一
讀感古歎奇才

走筆

獨立春江上幽懷太悄然鍾鳴厓寺雨花亞峽
村烟貧病元知命窮通亦聽天情人期不至悵
望暮山邊

又

飛閣江頭聳危欄獨倚時霽峯尖若戟新月缺
如眉病叟逋詩久頑僮貰酒遲春光今正好花
萼發南枝

次韻

長往桃源計其如到老違身閑春夢穩世亂官
情微小牖通山氣清池得月輝頻聞杜宇哭知

村名集卷之三
三
是不如歸

走筆

擁衾朝晏起
山閣捲簾遲
雨氣蛙先報
花香蝶自知
木根垂斷岸
菰蔓上疎籬
靜裏全無事
吾今廢詠詩

贈亞使申德夫

厚載

偶爾逢迎處
持盃共滌愁
鴈聲江北浦
燈影郡西樓
雄辯今宵快
情書幾日投
應成寒碧會
何憚道途悠

又

西原公館夜中酒醉華首燭淚不緣恨眼花非
待春仙娥顏似玉詞客鬢如銀明發分携後令
儂悵望頻

次閔而靜韻

宇宙百年內何時可解愁重雲垂大野羣岳擁
危樓沙鷺鷗眠穩蘆花鴈字投衰翁吟詠處詩
興轉悠悠

偶題

鄉國思歸客隆冬抱病吟身如猿失木心羨鳥
投林半壁燈花落踈簷月色侵持盃相勸處不

覺四更深

又

白首松都相新詩為我吟輕雲散古堞纖月漏
疎林客久心常苦年衰病亦侵浮榮何足道唯
喜酒盃深

寄仲久

故關何日至歸路劇悠悠水合魚龍國雲橫鴈
鷺洲他鄉長別夢浮世又離愁駐馬東坡驛斜
陽下小樓

途中次韻

停驂厓寺下鐘響似蒲牢齒老詩才退天寒酒
價高瀑懸飛沫濺灘急激湍豪未遂幽棲計塵
緣劇蝟毛

次淮陽松上韻

獨向京關去前程出峽長魂尋元亮菊計失武
侯桑官飯腸仍飽山蔬齒亦香此身無定所正
似鴈隨陽

偶題

時仲久留守松
都故末句及之

稽留東峽久春菜木盤登喚酒江村雨觀碁岳
寺燈千堊頭上雪三尺手中藤欲訪西都去迢

少壯集卷之三
二十三
迢路幾層

歸家次前韻

我自扶蘇返園花太半空愁添衰鬢白夢斷軟
塵紅片片鶯投樹輕輕燕受風為尋鄰老去路
出小溪東

葩洞次洪進士韻

匹馬東征客隨君入峽來僧歸丹壑路鶴踏碧
巖苔松訝千年閱花疑一色裁相逢真勝事莫
訴共含盃

走筆贈槐州太守

休言無客至門有岳僧敲路出杉籬缺塵侵藥
臼凹溪魚頻入苟村酒或盈葩惆悵身全老從
今萬事拋

題武溪亭

為訪林居勝行行石逕微山深僧或到地僻客
常稀渚柳牽風裊庭梅帶雨翻秋來葩串賞佳
約莫相違

頭陀寺

今朝騎馬出蕭寺趁佳期野柳綠垂線山花紅
滿枝時危唯索酒身病尚吟詩泉石頗殊勝幽

棲恐或遲

落花

春光今已盡
白日落花飛
戲蝶爭紅蘂
狂蜂逐暗醅
紛紛埋石逕
片片撲柴扉
向晚飄風起
尤宜點客衣

大富驛

行役何時畢
頻投驛吏家
頭今添白雪
眼已着昏花
樂地人間少
親朋夢裏多
攜君談謔極
不覺夕陽斜

道中偶吟

我往高城郡逶迤路不窮翩翩沙鳥白灼灼海
棠紅峯向中天聳波知外國通每逢佳處詠便
覺氣豪雄

舟中

秋宵東去客獨坐抱離愁言語三更燭波濤八
月舟昏花今着目晴雪已蒙頭悵望螺翁宅那
堪潦泗流

宿廣陵津曉發

鄉國何時到蓬窓日又曛天低牛浦樹帆落月
溪雲細雨鷗邊下遙岑鳥外分離愁安得制沾

酒欲成醺

短律

睡起登輕舸波濤入耳啼旅人驚早鴈篙子待
晨鷄非是元難定榮枯亦未齊上都今已別回
首白雲倪

訪洪進士

東去羸驂蹶崎嶇峽路危浴鳧沉碧水桺鵲噪
寒枝極浦晴沙晚層厓瘦石竒近來吟病久不
恠作詩遲

次李德培韻

使君登眺處亭近峽江寒
美酒鷓鴣杓珍羞瑪瑙盤
光陰愁裏走天地醉中寬
此物如無死相逢每盡歡

又

岸幘憑樓檻淒淒夜氣寒
峽江磨玉鏡山月湧金盤
幽興吟詩動孤懷覽物寬
何時逢舊好同作一樽歡

又

老子移居地門臨江水寒
絕崖藤蔓走崩壁木根盤
不路人情薄何方世界寬
平生好吟酌隨

相名集卷之三
二十六
慶共成歡

偶題

何人訪漁客寂寞倚荆扉
槐峽身仍滯桃汀夢亦稀
暝烟生敗舶秋雨滿僧衣
欲向紅塵去唯憂觸禍機

又

柴扉多近水大抵捕漁村
風雨鳴山脊雲雷走峽門
徵租官吏叫擊缶野巫言
偶爾松醪醉狂歌對瓦罇

讀漢書

白首江湖客東京史讀之陳平英布簡伍被酈
商竒韓信元淵堀蒯通且演迤雖然飛燕傳恠
恠莫能知

題東村壁

急穿雙佛借徒步訪東村東峽雲沉樹寒天雪
擁門省心今去妄觀性已忘言值此盈罇酒醺
醺眼欲昏

偶吟

白頭江漢客憔悴十年今鴛啄蟲生木禽喧螻
出林張衡愁浩浩沈約瘦悵悵或值隣僧話誰

言結舌瘖

到彈琴臺

京關今負邈倚棹更回頭露草蟲鳴夕江沙鴈
落秋孤村烟勃勃束峽路悠悠戰伐曾經地灘
疑咽不流

偶吟

衰翁空獨坐肩聳事吟朝秋日明沙浦炊烟裊
野庖破船沉渡口高樹掩塘坳忽有隣僧至芳
醪強酌飽

贈御營柳大將赫然

抱病艱危際憂心攸似焚魂歸鄉社月夢落塞
門雲直欲扶周鼎常思掃楚氛今朝江海客長
揖大將軍

題館壁

瀑直成均館蒲團睡政長夜燈頻吐暈秋雨早
生涼世路曾多踐人情亦備嘗明朝脫天械送
老雪堆莊

書懷

日益思鄉曲莊生動越吟別多懷鬱結年老病
侵尋郭外烟沉樹街西雨滿林如何窮我命天

意固難堪

雙溪寺得濤字韻

山路雖云險，纔來已忘勞。
日沉零夕露，石出減秋濤。
范叔身曾困，元龍氣亦豪。
與君謀取醉，酒價頓能高。

用前韻贈林用厦

西湖林處士，今不負佳期。
泛泛盃中蟻，蕭蕭鬢上絲。
雨聲初罷夢，江色每供詩。
剪燭論懷夜，村鷄報曉遲。

次權士和韻

歲暮南歸客那堪別恨深一年曾隔面數月共
連襟大雪平郊霽層雲古洞陰分携何用惜所
貴兩心知

栢墅走筆

醉翁眠忽覺林外下殘暉西嶽薜蘿長東園蛺
蝶飛頭添今歲雪身着去年衣莫是隣僧至烏
龍吠竹扉

春日有作

蓐食策羸馬路長泥又融溪光張素練橋勢落
晴虹谷口鳴春鳥林端起夕風興來詩數就累

句敢言工

旅館曉吟

孤館聞鷄起撚髭時獨吟
炊烟盤古木戰鬼語
荒林索裡黃金盡頭邊白雪侵
年年行役苦無日不愁心

寄益上人

吾師多臘數瘦骨似枯松
神力曾馴虎呪叨初
伏龍談經燈睒睒洗鉢水溶溶
安得禪房會連襟聽曉鍾

贈成生負汝相

風塵多別恨
太半鬢毛華
山際烟沉樹
橋邊雪覆沙
一身常作客
孤夢每還家
悄悄憑樓檻
層城咽暮笳

栢谷集卷之三

栢谷集卷之四

七言律詩六十三首

訪尹處士宣舉

號美村坡平人八松諱煌之子明齋諱極之父

花暗山城日政西
攜筇來訪故人棲
春愁浩浩詩難就
時序匆匆意自悽
江國風生帆去疾
海門天接鳥飛低
鄉關千里歸期阻
擡首南雲眼欲迷

偶占

京洛移居節序催
牆頭已謝數枝梅
鄉園迢遞徒勞夢
時事艱危只把盃
春雨海門孤鳥沒
暮

潮江國獨帆來此生懷抱無人識長嘯高歌倚
石臺

寄張曼翁

淹泊湖州歲月催鏡中贏得鬢毛皚別愁政似
春生草詩思方如雨濕灰被酒墜驢衣汚土尋
花步壑屐粘苔龜亭石剎俱奇絕為辦清遊數
往來

客中登樓

青天雨霽散霞氛望裏平沙細路分東走江聲
車萬兩北來山勢馬千羣城頭酒市村婆醉花

外漁舟野日曛惆悵此身歸未得客中愁緒亂
如雲

山寺

此地重來白髮新追思往跡獨酸辛苔生破壁
無丹牖月黑虛堂有鬼神兩脚廩纖寒食節花
光爛熳杜鵑春呼僧掃石題名姓我本長安酒
肆人

肅寧殿次盧士章

文漢

韻

汨汨風塵計却乖何曾興緒一分佳雖存魯叟
棄桴意強學蘇公對佛齋雲氣當春通御苑雨

聲連夜闌天街茲辰倬直良緣隔幾日樽前說
着懷

送安陰使君朴仲久

諱長遠号久堂高靈人
城君諱文秀之先祖

同攜惜別屬茲辰歧路那堪白髮新湖外人情
吾已慣嶠南民俗子相親兩鄉縱隔容顏久千
里應投札翰頻惆悵萍蹤無定止東奔北走歎
迷津

附次韻

遠客驚逢禁火辰稽山南畔柳條新拙官我
與潘生並能事君看子建親欲報春晴搜句

急強寬離思引盃頻那堪匹馬歸家路落日
呼舟縣北津

寄仲久

親朋乖角隔良緣千里相思月幾弦去歲題詩
湖寺壁今年中酒妓樓筵春深翠柳官橋畔日
暮蒼烟海島邊夢入京城歸不得天涯回首意
茫然

襄陽道中

亂代生涯何處定長嗟宿計與心違客程邊海
皆沙岸漁戶依山揔竹扉春樹芳花經雨綻暮

天歸翼受風飛片時馬上家鄉夢却到烟湖舊
釣磯

示金而彥

殊鄉一自別慈親
回首看雲墮淚頻
今日東方無將相
十年西塞有風塵
城頭寒角催吹曉
谷口黃鸝未轉春
惆悵乖離知不遠
我歸關外子遊秦

送密陽府使李舜弼

東坡

四十年前嶺外遊
登臨百尺最高樓
江聲日夜地中走
岳色東南天際浮
畢老雄篇從古在
谷

翁佳句至今留黃魚黃粟皆風味倘寄西湖病
客不

走筆

誰解衰翁萬斛愁獨憑樓檻拭雙眸雨晴小圃
看蚯蚓日晚疎林聽勃鳩富貴在天難致力窮
貧由命不容謀從茲廢却經營事長占烟波弄
釣舟

偶吟

古寺高禪不可逢何時同席屹雙峯雨中翠色
連郊樹雲外寒聲隔水鐘雄劍久拋勲業晚病

身長卧宦遊慵閑穿芒屨開門出落日西池獨倚筇

清心樓

驪江之上倚欄頭一盪曾襟興更悠神勒寺隣
平野濶龍門山界半天浮落霞孤鶩滕王閣芳
草晴川黃鶴樓彼此元來宛相似今吾不羨古
人遊

送權學官試赴日本

周流天下是男兒况又奇才本不羈司馬遊觀
偏上國張騫經歷止西夷路通徐市尋仙海帆

落扶桑拂日披島寇山戎誰果劇須持曲折報
余知

送友人

京國相逢眼共青更嗟霜鬢各星星風塵去住
皆雙淚人世昇沉已十齡秋雨驛邊多少樹夕
陽天外短長亭時危聚合知難再為勸深杯手
莫停

次韻

愁懷悽切倚窓櫺搖落窮秋酒易醒斜日欲沉
汀樹暝密雲初捲遠山青古今往事風中燭宇

宇宙浮生水上萍
緲緲歸程聊默數
故鄉二十
長亭

亂後作

悄然無語倚庭枻
孤鶩征鴻望裏無
繞郭灘聲添夜雨
挿天峯色帶朝嵐
歸田計就雖饒興
蹈海心違詎免慙
酒熟重陽黃菊綻
倍思諸友各東南

又

坐對斜暉掛矮簷
蟬聲蟲語耳邊兼
厨烟薄薄生茅店
瘴雨濛濛濕葦簾
亂後詩情因病減
客

中離恨入秋添登高遠向家鄉望無數羣山餽
樣尖

登漢江恩波亭

勝致新秋準擬探登臨高閣捲朝嵐離愁方覺
迴腸九世事曾知折臂三斗峽長江通上下廣
陵歸鳥向東南鄉關杳杳開雙目雨後羣峯似
蔚藍

客中次友人韻

天地風塵此一身飄零無處不迷津他鄉月色
傷心夜舊國花光入夢春得酒時邀漁客共觀

棊且與岳僧頻客中憶着親朋久苦覺離愁逐
日新

拗體

湍州旅舍秋正闌獨夜片夢歸長安峽雨初晴
江月出巖楓欲落天霜寒匆匆年光空自去漫
漫行路何其難令人終負勝遊計悵望六仙亭
下灘

次仲久韻

二月赤津同上舟嶠南今又辦竒遊葱龍烟樹
圍平野輕薄風花下晚洲玉洞瑤臺忘俗慮綺

筵錦瑟遣鄉愁看君傑句誰能敵筆不如掾愧
唱酬

次韻示主翁鄭君平

縹緲層臺壓厚坤登臨極目北辰尊沙頭市罷
漁人醉浦口帆來買客喧瘴霧通宵籠野店海
濤當夕拍天門溟翁手種蒼松樹不識何年養
鶴孫

偶題

寒齋閒寂掩柴扉鄉夢時時着釣磯殊俗語音
隨地改故人書信出關稀江城宿霧朝初捲官

樹棲禽暮各歸客裏愁懷何以遣
壚頭直欲典貂衣

題僧壁

雨霽前山白日遲獨憑牆角費吟詩
花光或訝玉環頰柳葉且疑西子眉
臺榭已非全盛日風烟猶似太平時
何由醉着盈樽酒得喪榮枯都不知

題石剎

南北東西放浪人留連寶界已經旬
山河錯綜雲霞氣天地歎嗟草木春
彩筆頗抽神助句重

裘初脫病瘳身蒲團獨坐看青鏡頭上衰毛白
似銀

登醉默堂

此翁流落阻京關北闕青雲不可攀薄薄人情
雖已識紛紛世故豈能刪天晴崔顥詩中樹雨
細王維畫裏山揔為耽看憑檻久夕陽林外宿
禽還

次太守韻

吾儕近者合并難何日芝眉帶笑看酒量本慙
徐晦大詩篇敢笑孟郊寒僧歸沙際雲侵錫客

山谷集卷之四
過橋頭柳拂鞍谷口柴扉終夕閉此時誰與辨
清歡

驪江馬上又次

何事能忘道路難花光濃艷喜耽看朝傾美酒
愁腸滌夕嗽清泉病齒寒細細浮嵐侵去袖濛
濛小雨濕征鞍儻成他日槐州會談辯縱橫作
兩歡

次李德培韻

江峽移居四閱春白頭今作釣魚人意甘長卧
寧因病性忍恒飢不患貧蝸亦何心藏或出蟻

雖微物屈兼伸清宵為訪西林釋明月懸空色
似銀

偶吟

病起蒲團步下庭茲辰攸爾忍伶俜雨侵浦口
沙鷗夢日射橋頭水鶴翎花似楊妃嬌靨醉山
如西子畫眉青柴門晝閉何人訪唯有林僧到
野亭

題僧壁

今日歸來我獨生追思淪沒淚縱橫偶成異夢
尋僧解強綴蕪詞與客評澗水潺潺鳴石齒山

風浙浙助松笙試憑樓檻開雙目西北浮雲蔽
漢京

月夜

木岳家書寄我遲茲辰歸計入支頤月生意若
逢親友花落心如別義姬半日偷閑乘小艇三
春抱病怯深卮自嘆窮屈緣何事六十年来苦
詠詩

憶槐鄉

青山斷岸構茅堂更引溪流匯曲塘白鳥眠時
知日暖黃蜂鬧處想花香婢烹野蔌朝盈碗僮

換村醪夕舉觴一別鄉關留洛社秋來夜夜夢
偏長

拗體

甲辰九月重陽日我與使君登高臺山如怒馬
振鬣走水若羣龍搖尾來頻傾白酒盃中且
對黃花霜後開人生乘興復行樂何為局束趨
塵埃

登金剛山

金剛山與雪山叅着屐登臨捲翠嵐日出鵬邊
紅上下海通天外碧東南誰知今世尋無竭自

識前身作老聃兩脚已疲高興盡明朝欲向九龍潭

津頭

駐馬沙汀已夕曛此時愁緒太紛紛山從鐵浦千峯出江至琴臺二派分倦客容顏非昔歲上都消息隔浮雲可哀隻影誰能恤身世真同鴈失羣

次韻寄友人

春光欲晚別懷幽若憶親朋路更悠醉裏暫時雖有興世間何日可無愁詩成漢北觀梅處夢

入江南賞月樓投老已消豪俠氣如今難續少年遊

偶吟進退格

迢迢湖外幾時歸逐日窮愁入兩眉翰墨積功
終輒軻烟簑清夢每依稀匣中古劍增光耀鏡
裏新霜為別離門掩草堂成獨坐呢喃輕燕隔
窓飛

偶吟

久辭鄉曲未歸人日日徒添白髮新一萬二千
峯頂夢東南西北路歧身劉伶嗜酒舍杯數杜

甫耽詩搦筆頻湖海親朋今已隔秋來消息問
無因

次洪元九韻

北客淹留大嶺東獨登高閣憶秋翁魚龍出沒
重溟裏日月昇沉積氣中攬鏡每傷衰鬢皓對
尊偏覺醉顏紅從來落拓功名晚天本無私亦
不公

題張季遇便面

寂寞城南人到少獨憑軒檻費長吟匣中但有
屠龍劍囊底元無取酒金水落寒沙秋石瘦日

沉孤島暮雲陰故園物色今何似歸興悠悠自
不禁

次韻贈張李遇

小樓樓角照殘暉獨對南山疊翠微輕燕蹴花
低復上嬌鶯捎蝶墜還飛芳辰若夢仍增感妄
想妨心已覺非直欲期君江海畔釣舟烟雨着
蓑衣

書懷

病後心懷殊不樂獨憑小檻賞新晴形容故似
東陽瘦篇什元慙應物清日暮巷烟籠古木暉

殘山雪積層城樓遑京國今年幾歸去江湖了此生

次李咸卿一相

韻

延安人月沙相公諱冠龜之後孫

北客誅茅峽裏幽竹扉高壓大川流縱橫鴉陣
晴空夕爛熳蟲書病樹秋老去方知無好興亂
來仍負作歡遊今宵待得初弦月欲上元龍百
尺樓

次朴仲久韻

身世元同水上舟此生無地不周遊三更夢覺
南州雨千里心歸故國樓盃面凸時挑逸興歌

聲緩處散窮愁臨翁贈我凌雲句價重隋珠愧
未酬

示沈生

燕語鶯啼薄暮天茲辰斗覺興飄然春殘東郭
花辭樹夢入西湖雨滿船家未全貧償酒債身
雖大困擅詩權明朝定向清塘去堤柳風枝拂
客鞭

偶題

我從湖左到關外處處仙區刮兩眸樓勢迥臨
飛鳥背山形爭聳巨鰲頭風雲繞筆催詩興日

月驚心倍別愁海郡黃昏民吏散城門已閉角
聲休

頭陀寺

干戈未定長為客蹤跡端宜托此間浮世光陰
催白髮故園消息隔青山天涯人物皆新態夢
裏朋知尚舊顏百尺雄樓臨絕岸每攜樽酒獨
躋攀

頭陀寺贈海上人

已厭仙區爛熳遊故園西望數回頭荒城木落
寒蟲夕碧海天高獨鴈秋詩欲成時燈已暗酒

初醒後月猶留他年清夢應來訪彌勒峯前此
寺樓

馬上偶吟

客行衝夜歸京國馬上心驚猛虎咆峽東初疑
無去路山開忽覺有平郊時聞恠鳥啼林畔每
見飢鼯走樹梢流落向來多抱病耽詩舊習已
全拋

詠花

花色玲瓏帶瑞暉千株萬樹政芳菲紛紛戲蝶
爭紅蕊擾擾遊蜂嗅暗醅艷態初疑凌趙后嬌

詩名集卷之四
十四
姿更訝妬楊妃晚來強起攀枝立亂影橫斜照
我衣

偶吟

病客西來滯此鄉
那堪煎燭別離腸
窮秋江畔蟲聲集
落日風前鴈字長
衰老敢云詩似錦
沉冥不覺鬢如霜
東臯枕石成牢睡
孤夢迢迢到漢陽

偶吟

鏡中衰鬢已垂絲
豪氣殊非盛壯時
詩避瑕疵停筆數
酒嫌醅酘引盃遲
田頭破屋蝸粘壁
籬

外疎松鵲踏枝明發定尋槐峽去長簔圓笠釣
江湄

次松都懷古韻

五百年光走若河緬思全盛恨如何古苔破礎
蝸涎濕夜雨荒林鬼燐多松籟尚疑飛玉管鳥
聲猶似唱纖歌可憐文物尋無處唯有長橋號
橐駝

次元九韻

駐馬巷北登高樓男兒壯心當暮秋尊前會合
此時晚關外干戈何日休事多翻覆元常理命

有窮通豈暇謀杳杳吾鄉隔千里中宵歸夢滄
江舟

題象王寺壁上

最是西湖古寺樓登臨可散百年愁世情偷薄
身何托 王室艱危涕自流雲外羣峯尖似戟
天邊缺月曲如鉤明春準擬遊京國應喚扁舟
漢水頭

別金而彥

三年京國夢依依千里遨遊久未歸毒瘴每侵
孤客面緇塵幾染故人衣離亭落日橫江色別

路寒雲傍馬飛君去的應擡首數天涯烟樹望
中微

東征次韻

與君連袂作同行此夕來遊此郡城花色艷如
官妓艷溪光清似使君清樓頭把酒消離恨席
上題詩瀉客情來日臨歧分手後佳期更趁彩
蟾明

憶槐鄉

遠憶槐江紅蓼灣宦遊孤客幾時還愁中只挹
千盃凸病裏仍添兩鬢斑走馬南宮元不暇尋

木名集卷之四
十六
朋西郭整偷閑飛書為報漁樵侶城市緇塵已
汙顏

襄陽途中

悠悠此路幾時窮亂代孤蹤似轉蓬日轂初昇
紅漲海山尖爭聳碧撐空漁家門壓千尋港賈
舶帆開萬里風方丈瀛洲那得到靄雲祥霧杳
茫中

鵲題江閣

鬱鬱幽懷孰共論悄然無語獨憑軒風驅斷鴈
投江口月送孤舟到海門白髮又添今歲病青

山不隔故園
魂沉吟喜得驚人句
筆落雲藍醉墨翻

五言古詩 一首

催飯詩 押韻放招揚之景詩

老翁催炊飯
竈婢若不聞
霖雨無時晴
濕薪火不焚
捋腸雷聲喧
何以能忍飢
今日已昏黑
奈此無可為
翌日旭未出
命奴持鎌去
東菑與西疇
可刈稻熟處
須着煖塊乾
不廢雨中春
使婢朝暮炊
一切勿為慵
我不啻免饑
舉室亦無憂
詎望酒如渾
唯願穀滿篝

七言古詩四首

懶翁錫杖歌

錫杖之長六尺強其體堅確其性剛我初見之
光如漆我更叩之聲鏗鏘流傳不失以至後于
今二百餘年久當時懶翁携遠行南北東西不
離手五臺金剛與智異勝致最冠震朝地每向
諸山飛錫去放逸誠如脫銜驥或登絕頂必爾
持或踏層厓必爾隨卓處或看白雲出曳時或
破蒼苔滋蟬蛻肉身歛示寂蓮界唯餘此一錫
法身西入天竺國牧翁東歸目所擊此說已塗

衆人耳異事應傳萬萬漢得無鬼物為守護赤
藤桃竹難為比錫杖兮錫杖兮豈伊爾獨世人
諳蛇皮履兮且留神勒菴

趙攸堂

翼挽歌

號浦渚豐壤人七歲作擬疏十五六通
六經及呂望諸葛用兵之術

尹相公相壽海平人

先生受業月汀公文章與古爭其雄乃謂小技
不足為儒家義理吾當窮六經微辭盡咀嚼四
書奧旨皆磨礱沉潛訓義能通透辨析若決江
河走箋註以解肯綮處任他盲俗爭相詬窮研
識破大頭顱蓋因學力之成就昔在光海攸亂
日獨善其身隱不出逮我仁祖為近臣每登

螭陞陳經術竭力輸忠補闕漏望以吾君

堯舜匹入則定省出告行事親孝思由其誠既
忠既孝各盡職諸子則之常為程以茲天公降
純嘏蕃衍衆孫芝蘭榮歷敷清要三十載生涯
泊如門無賄頃者我后相先生臨政圖治欲
亮采經濟實係老成人朝野皆思調鼎膺欽蹤
田畝終淹滯直道難容衰季世賤子不惟與胤
善先生待我亦擁篲三月入京聞易簣滯淚千
行不能制惜哉吾道更荒蕪人間長夜徒嗚呼
前經迷惑孰從問已矣斯穴今則無一為挽歌

最愴神得御當時門下賓

檀龍枕歌

紫檀之木其誰種枝幹盤屈多臃腫魍魎魍魎
得其依霹靂風雷不為恐嚇日火氣猶清涼嚴
霜虐雪仍青蒼山中故人乃斫取削皮為枕留
文堂或如虎豹共縱橫或若蛟龍相鬪爭兒童
豈特不敢近我亦見之心目驚故人夜就此枕
眠幽夢長在雲泉邊厥狀卷曲而蹙縮譬以其
屈真堪憐厥狀飛騰而踴躍喻以其伸殊不惡
既屈且伸理則然何用屑屑悲落拓寶之惜之

和名集卷之四
十九
慎勿失枕號檀龍可以吉
舐筆和墨寫惡詩為
寄故人恐其唾

題漢江佛堂

濟王城南秋江碧
濟王城北層雲幕
長天雨霽月欲出
汀樹霜嚴葉初落
舟中夜歌漁人唱
岸上曉鼓村婆擊
朝來大醉策羸馬
眼底南山射紅旭

栢谷集卷之五

雜著序錄祭文說記

草堂序

叢祠之西廣灘以北方干野之廣豁平楚連青
成佛山之高危疊石撐碧其丘蕭瑟有翰林之
舊莊遺址荒涼認將軍之陳迹入烟已絕風月
尚留主人泉石膏盲雲林疾痼謝紅塵於城市
軒冕非心睽白髮於江湖漁釣是願文章何用
分將老於扮榆棲遁自甘夢亦斷於鷓鴣茲卜
一間之堂宇獨專萬壑之風烟但求容膝之安

寧免打頭之隘窓臨一帶之水靴紋自堆門壓
半畝之塘簷影已蘸以翠壁為屏障以白雲為
藩籬對松層厓何羨徂徠之翠色看梅歆岸不
殊庾嶺之寒香地若桃源恍疑秦世人之避俗
園如栗里或訝晉處士之歸田是亦足焉孰敢
侮也興獨在於盃面綠蟻可傾詩欲就於橋邊
青驢宜策而况香山僧舍只隔茂林砧嶺民家
每聽春杵盤細路於翠峽時有衲子之誤尋艤
津船於白沙幾看行客之爭渡寄身世於深壑
送契活於頽齡然而焚魚素非吾心藏龜豈宜

今日憂世戀主空切報國之懷失志遇屯徒效
窮途之哭嗟乎狗監既死謾抱凌雲之才子期
亦亡難奏流水之調蔽浮雲於日下望義人於
天邊雖然死樹百年必中琴瑟舊水一斛或藏
蛟龍富貴何時嘆蘇秦之大困功名已晚悲孺
子之長貧心懷都付於遨遊江山爭入於吟喏
于時青春已去朱夏昴來花萼飄零蝶舞休於
枝上柳陰濃郁鶯歌滑於雨中細草青若羅裙
時步屨而盤桓晴波澄如月鑑或乘舟而來去
清賞獨探勝致宜詫筆已老矣序何緝乎

邀西岳兩上人碩賢道清序

一年睽離百里瞻望戀嫪方切會合何期綠水
青山隔音塵杳杳清風明月想儀刑之依依
余乃自槐州而至栢野一身衰老縱欲曳斑杖
而徐行兩脚疲酸何以扳絕壁而能陟向西岳
而目送倚北窓而腸迴唯願兩上人抽身域中
托迹洞裏飄白衲於回磴映帶千峯之霞光點
青鞋於層崖踏破萬逕之苔色涉絕澗渡長橋
訪茅屋而辛勤到蓬門而剝啄則依童僕起開
戶牖迎對昔時之客顏兩肩偏聳作今日之談

笑雙爾各抽不亦悅乎是所望者為報白足敢
走蒼頭無憚半日之勞而速躡險途不孤一堂
之會而須副至願

謝贈盆梅序

結茅荒僻掩柴寂寥竟日愁愁對衰草而增感
終朝悄悄聽落木而興悲寒菊亦枯佳卉何覩
不意吾君知我懷抱揣我幽悄乃以盆梅送于
江舍時當十月之半序屬三冬之初深藏土窖
之中移置竹窓之畔古植迎亞歲而回暖寒梢
待殘臘而吐花月光侵簾凌亂三更之影風力

衝幕爛熳萬斛之香心不馳於羅浮夢何勞於
庾嶺窓外朔氣室中春光來自故人莫是一夜
相思而發添我新興益增百里長望之懷玉骨
瓊葩如慰窮獨之叟冰魂雪魄若哀拓落之人
肯學孟然之尋不羨衛玠之賞愛素節之皎潔
對白首而吟哦所恨者冷蘂綻於數枝誰共金
罈暗香空於一夕獨憐冰精韶光莫追詩情無
賴江東渭北空勞望雲之思冬去春來每起觀
梅之興一篇聊寫再拜以投

金剛錄

乙巳八月丁卯發高城郡抵百川橋榆岾僧十
餘屬持籃輿待之與李大來柳海宗各乘踰狗
嶺至榆岾日已仄因留寢戊辰詰朝乘籃輿至
蹴水窟竒巖稜角叅差捨籃輿扳木根而上絕
壁尋狹窄細路而徐行厓下停籃輿攀隱仙臺
登據翠石縱觀十二瀑其狀若倒銀河拖長虹
瀑之左右蒼壁為屏石角或如攢劍或如列戟
有大者小者蒼檜密密丹葉雜糅瀑之上石間
古有青鶴寄巢歲甲寅棄巢而去其後弗復廻
此僧之相傳說也恐日脚沒雲還下來乘籃輿

至內水站此內外山界也內山僧持藍輿已待
余暫憩息打飽吃朝飯乘藍輿下邃谷望見天
半崩劣之峯橫亘雲外意甚壯之間之僧曰毗
盧峯矣仍吟許荷谷八月十六夜獨立毗盧頂
之句至李許臺邊有木橋腐朽慄神渡之乘藍
輿至彌勒臺邊題名至摩訶衍古庵義相師之
所構云登階老釋兩人出而迎之相與語且題
名于柱上仰見庵後峯巒峭峻上插蒼穹下詰
曲石逕觀危巖側立一銅柱構二層閣心極危
之問之僧曰古之普德師剏之閱數千禩而不

顏豈非普德師之精靈為護持而然歟至萬瀑洞其盤石或平夷或塊圯其泉流或淺或深而不似瀑布之狀然得此萬瀑之名未知古之何者名之而名實不相符耶盤石上楊蓬萊所寫蓬萊楓嶽元化洞天八字至今蟠屈恍若蛟龍踊躍飛騰之狀許筠寄崔簡易書曰楊蓬萊字畫之杜與此山爭雄豈不信矣乎自萬瀑洞出石門至表訓寺此波崙菩薩所創距榆岾五十里也催夕飮以止枵腹之雷又向長安寺而去與方伯李子喬相選日將昏黑飲燒春一醺紓

其弼苑而驩譔明燭促膝杜子美所詠夜闌更秉燭相對如夢寐者正謂此也已巳早朝李子喬別吾儕去吾儕乘藍輿還歸表訓携柳海宗上正陽寺寺麗祖所建未及其寺也先陟天逸臺而周覽其山之勝狀優於隱仙臺之所見至正陽寺憇歇惺樓倚欄放目非天逸隱仙之比也諸峯羅列不可勝數余問僧曰諸峯皆有名乎曰各有其名曰欲聞其名畧舉梗槩以手指之曰彼獅子峯也彼小香爐峯也彼金剛臺也彼穴網峯也彼五賢峯也彼大香爐峯也彼望

高臺也彼安養峯也彼白馬峯也彼十王峯也
彼觀音峯也彼長慶峯也彼釋迦峯也此歇惺
樓之所觀梗槩也此山峯數或曰一萬二千峯
或曰九萬六千峯難可計其數也愛諸峯奇奇
恠恠之狀留數日于歇惺樓目在之其峯或有
大者或有小者或有圓者或有尖者或有飛者
或有舞者或有戟立者或有人立者或有龍盤
者或有虎踞者或離而合者有之或縱而橫者
有之或先而後者有之或凸而凹者有之或東
或西或南或北者簇簇相排此山之峯多現於

人目者唯獨歇惺樓也是故欲觀此山之真面者不先他所必先於此所蓋為盡見諸峯之狀而先到耳其形勝必欲次第之歇惺樓第一隱仙臺第二摩訶衍第三餘外無可寄目處而舉世稱勝地必以萬瀑洞為第一余不勝捧腹李啓賢謂余曰欲見金剛山直往正陽寺登歇惺樓留三日則不勞登陟而可以盡見諸峯其言果然啓賢之出入金剛已四十餘年所方伯之裨將任翊夏武弁之魁傑擬觀正陽勝致昨日隨吾儕同到半餉間遊翫日未匿旋歸方伯留

官吏數輩數日為吾儕以其所餘糗糧海錯餽
之所供極侈靡蓋自槐州至高城道路之遠近
溪山之秀麗郡縣之肥瘠人俗之義惡舍之不
紀

新定竹林書院朱晦菴奉安文 賜額道

東

孔孟既遠道學久滅上下千禩疇能繼絕天生
夫子瑞世人傑學傳不傳吾道復明剖析訓義
箋註前經提挈要領誘掖後生光被海外仰若
日星惟我陋鄉同名竹林卧龍故事適符于今

因地營廟亦有成式爰舉縛儀時日孔吉奠以
揭虔永世罔缺

獨說

余投大輒兩獨一獨先齧之一獨次齧之先齧
獨暴怒嗒呀噬次齧獨則兩獨共鬪不暇齧輒
忽一他獨過之見棄輒銜之而走兩獨以共鬪
扞其輒一獨小者大傷一獨大者甚勞若使小
獨知其力弱不與大獨鬪則固無大傷兩獨以
輒共鬪竟以輒與他獨嗟夫世之爭功名者無
乃亦如兩獨之爭輒耶

讀數記

伯夷傳讀一億一萬三千番老子傳分王霹靂
琴周策凌虛臺記衣錦章補亡章讀二萬番齊
策鬼神章木假山記祭歐陽文中庸序讀一萬
八千番送薛存義序送元秀才序百里奚章讀
一萬五千番獲麟解師說送高閑上人序藍田
縣丞廳壁記送窮文燕喜亭記至鄧州北寄上
襄陽于相公書應科目時與人書送區冊序馬
說圜者王承福傳送鄭尚書序送董邵南序後
十九日復上書上兵部李侍郎書送廖道士序

諱辨張君墓碣銘讀一萬三千番龍說讀二萬
番祭鱷魚文讀一萬四千番合三十六篇讀伯
夷傳老子傳分王者為其博大變化也讀柳文
者為其精密也讀齊策周策者為其奇崛也讀
凌虛臺記祭歐陽文者為其意思汨汨也讀鬼
神章衣錦章中庸序及補亡章者為其理明鬯
也讀木假山記者為其雄渾也讀百里奚章者
為其語約而意深也讀韓文者為其浩漫而醲
郁也凡此讀諸篇之各體惡可已乎自甲戌至
庚戌而其間莊子馬史班史庸學非不多讀而

不至於萬則不載讀數記爾若後之子孫觀余
讀數記則知余之不惰寐于讀庚戌季夏栢谷
老叟題槐州醉默堂

栢谷集卷之三終

